

## CHARTA DALS DRETGS DA L'UFFANT AD ART E CULTURA

La charta dals dretgs da l'uffant ad art e cultura, sviluppada da La Baracca – Testoni Ragazzi a Bologna, formulescha 18 princips ch'èn la basa per la lavur artistica per e cun uffants e che suttastritgan sia rolla centrala en process da furmaziun. Cun sustegn europeic e l'engaschament da translatur e d'illustratur è resultà in bel cudesch che preschenta quests dretgs fundamentals en 27 linguas ed als dat impurtanza.

### UFFANTS HAN IL DRETG:

- 1 da s'approximar a l'art en tut sias furmas: teater, musica, saut, litteratura, poesia, film ed arts visuals e multimedials
- 2 d'experimentar cun linguas artisticas, perquai che quellas appartegnan er a las «experientschas fundamentalas»
- 3 dad esser ina part dals process artistics che nutreschan lur intelligenza emoziunala ed als gidan da sviluppar da maniera armonica sensibilitad e cumpetenzas
- 4 da sviluppar – a maun da la relaziun cun ils arts – l'intelligenza corporala, semantica e visuala
- 5 da giudair products artistics dad in'auta qualitat che profis han creà aposta er els resguardond las differentas vegliadetgnas
- 6 d'avair ina relaziun cun l'art e la cultura: da betg vegnir tractads sco «consuments», mabain sco «subjects» cumpetents e sensibels
- 7 da visitar ils endrizzaments artistics e culturals da la citad, cun la famiglia u cun la scola, per pudair scuvrir e vesair las purschidas da questa domena
- 8 da participar durant il temp da scola ed il temp da prescola ad eveniments artistics e culturals e quai cuntinuadamain e betg mo occasiunalmain
- 9 da parter cun la famiglia il divertiment dad in'experientscha artistica
- 10 dad avair in sistem complementar tranter la scola ed ils endrizzaments artistics e culturals, pertge che mo in'osmosa cuntinuada po garantir ina cultura viventa
- 11 da visitar regularmain cun lur cumpogns da scola museums, teaters, bibliotecas, kinos ed auters lieus culturals ed occurrenzas
- 12 da far experientschas artisticas e culturalas en cumpagnia da lur scolasts, ils mediatur ch'èn necessari per promover la percepziun e la far valair
- 13 ad ina cultura mundana, areguard mintga identitad e mintga differenza
- 14 ad integraziun – surtut sch'i sa tracta da migrants – cun reflectar ils process artistics e cun vesair comunablamain l'ierta culturala da la communitad, en la quala els vivan
- 15 a projects artistics e culturals resguardond diversas abilitads
- 16 a lieus planisads e structurads per pudair s'occupar da quels en diversas vegliadetgnas
- 17 da visitar regularmain ina scola che porscha in vair access ad ina cultura derasada e publica
- 18 da pudair participar a las purschidas artisticas e culturalas da la citad, independentamain a tge classa sociala ed economica ch'els appartegnan, pertge che tut ils uffants han in dretg ad art e cultura

*Il cudesch pon ins cumprar tar La Baracca per 15 euros.*

*Ins al po empustar sur <http://cartadeidiritti.testoniragazzi.it>.*